



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De diuisione solis in tres partes, cap. 23.

urn:nbn:de:hbz:466:1-13177

Etuum, audiuiimus etiam quod filius hominis in nubibus visus sit, terrorisque de cœlo, & signa magna. Designe elementoque superiori, ad quod stellæ pertinet, primo loco dicendum est, postea de cæteris per ordinem.

C A P V T XXIII.

*Signa in
sole.
¶ al. sex-
so.*

Anno Domini millesimo ducentesimo septimo, Philippo rege celebrante curiam solemnē cum Principibus, signum magnum apparuit in sole: in tres siquidem partes diuisus est, ita ut intervalla essent inter partem & partem, ad instar liliij tres flores habentis. Quod ubi notari cœpit, multi concurrent, super tanto miraculo disputantes: Hermannus verò Latgrauius interpretatus est, quod unus de Principibus imperii eodem anno moriturus esset, nec erat idonea eius interpretatio. Post multam horam, coierunt partes, & redintegratum est corpus solare. Abbas Carolus Vilariensis, necnon & monachus eius Wigerus, eidē curiæ interfuerunt, quæ dicta sunt viderunt, nobis eodem tempore visa referentes. Facta est hæc visio tertio Kalendas Februarij. A POLLONIVS: Quid tibi significare videtur tripartita hæc solis diuisio? CÆSARIUS: Deus statum imperij Principibus congregatis ostendere voluit: Sol videtur hoc loco designare Romanum imperium: sicut sol magnitudine & splendore præcellit vniuersa sidera cœli, sic idem imperium augustius fulget cæteris regnis mundi. Apud Romanum imperium quandoque fuit monarchia, ut sicut stellæ lumen habent a sole, ita reges, ut regnare possint, haberent ab Imperatore. Triplex solis diuisio designabat schisma imperij in tres Principes diuisi, qui omnes nomen Romani regis sibi usurpabant, primus fuit Fredericus, qui adhuc patre viuente fuit in regem a Principibus electus; secundus Philippus; tertius Otto fuit, a Coloniensi Archiepiscopo suisq; auxiliariis substitutus: isti ambo Aquiliani coronati fuerunt in regem. Horum uno occiso, & altero deposito atque defuncto, Fredericus electus, qui hodie imperat, solus regnare cœpit, & quasi ad suam plenitudinem sol diuisus rediit. In quibusdam pro-

provinciis eodem die visa sunt quinq; partes: per tres partes, supradictos tres reges intelligo, per duas reliquas, Bernhardum ducem Saxonie, & Bertolphum ducem Thuringiae, qui satis pro imperio ambo laborabant, accipio.

CAPUT XXIV.

Mense sequenti, scilicet Kalendis Martij, aliud signum apparuit in sole: non dico miraculum, quia naturale, sed magnæ rei pronosticum. Facta est quippe eclipsis solis tam magna tempore meridiano, ut vix aliquid superesset splendoris: multi videntes extimuerunt, dicentes aliquid magni fore futurum. APOLLONIUS: Quid tibi videtur eadem eclipsis figurasse? APOLLONIUS: Non sum Daniel, & ideo non asserendo sed opinando interpretor. Videatur mihi defectus ille solaris praesignalis morte Philippi, qui sequenti anno occisus est, & defecit. Particula illa luminosa, quæ recrescere coepit & augmentari, Otto fuit, qui post Philippi morte factus est magnus atque gloriosus. Videtur eisdem temporibus adpletum, quod Dominus in Euangeliō dicit: Nam virtutes cœlorum mouebuntur. Cœlum quandoque *Luc. 21. 22.* designat præsentem ecclesiam & vniuersalem: Cœli verò ecclesiæ particulares: Virtutes ergo cœlorum sunt Prælati ecclesiarum, Episcopi videlicet, Abbates, Præpositi. In prædicto enim schismate non solum Principes sæculares, sed etiam spirituales moti sunt, quia tum propter pecuniam, tum propter amorem, siue timorem, instabiles facti, nunc vni nunc alteri jurauerunt. Nam ipse Princeps episcoporum, scilicet Papa Innocentius, primo Ottонem fouit & coronauit, postea, ob causam multis notam, illum deponens, Fredericū eius aduersarium suscitauit. In luna verò signa non defuerunt, duas eclipses magnas solito crebrius passa. Quod si in stellis signa quaris, quod vidi refera.

CAPUT XXV.

Post mortem Henrici Imperatoris, cùm de successore *In Stel-* fore Coloniæ in palatio tractaretur, post meridiē *ls.* visa est stella lucidissima: tunc currentibus nobis

Q q §

iii